



Themmesko presidentosko velkiba 2018

Finitiko themmesko themmeskiire velkavena presidentos aro velkiba sakko ĥou bereĥ.

Vaaguno velkiba:

- Velkibosko diives hin kurko diives 28.1.2018
- Naaluno lyijako diiben aro Finitiko them 17.–23.1.2018
- Naaluno lyijako diiben aro varothem 17.–20.1.2018

Vojuvitiko vauro velkiba:

- Velkibosko diives hin kurko diives 11.2.2018
- Naaluno lyijako diiben aro Finitiko them 31.1.–6.2.2018
- Naaluno lyijako diiben aro varothem 31.1.–3.2.2018

Presidentosko tšeeribi

Presidentos džorjavela laagi, so parlamentos hin dikjas tšiĥkoneske.

Presidentos liedavela Finitiko themmesko auruno politiikos themmesko fallibossa.

Presidentos naavavela ĥeeruno ministerios ta vaure ministerii aro pengo tšeeriba. Presidentos naavevela nii dömmiboskiire ta tši hyög tšenstakiire.

Presidentos hin nii Finitiko themmesko riggibosko džooresko praaluno ĥeereskiiro. Kurribosta ta freedibosta ĥluutavela presidentos parlamentosko myöntibossa.

Koon lela te del lyija?

Tu leha te des lyija aro presidentosko velkibi,

- om tu sal Finitiko themmesko themmeskiiro
- om tu sal pherdadal 18 bereĥ sistones 28.1.2018.

Kooneske tu vojuveha te des lyija?

(Politiko) ringa ta velkibosko sankibi vojuvena te tšuuven kandidaati elle alsimen aro presidentosko velkibi. Kandidaatos mostuvela te aañhel Finitiko themmesko themmeskiiro. Sakko kandidaatos hin iego numros. Presidentosko kandidaati hin alsimen aro hilo them ta jakkes tu vojuveha te des lyija kooneskebi kandidaatoske jakkes tu kammeha. Džaaniba presidentosko kandidaatenna tu leha naaluno merknoske patrenna, dikkibosko moñtesta ta internetosta.

Phukibosko peleñkos vela tšeere

On tuut hin horttiba te des lyija, tukke ñikkavena tšeere liin. Aro liin hin dui phukibosko peleñki dooleske, ka aro presidentosko velkiba vojuvela te aañhela dui lyijako diibeja.

Aro phukibosko peleñki hin džaaniba tukko lyijako diibenesko stetosta aro lyijako diibenesko diives. Skokka hin niin listos naaluno lyijako diibenesko stedenna.

Iek elle dui lyijako diibeja

Aro presidentosko velki vojuvena ta aañhen dui lyijako diibeja. Om tši kandidaatos lela aro vaaguno lyijako diiben buutide sar pañ lyijenna, les elle la velkavena reet presidentoske.

Om tši kandidaatos na lela buutide sar pañ lyijenna, stellavena vauro lyijako diiben.

Vaaguno lyijako diiben hin 28.1.2018.

Vojuvitiko vauro lyijako diiben hin 11.2.2018.

Tšeeresko lyijako diiben

Om tu sal svoort fielakiiro elle langñto tiijakiires dukado, tu vojuveha te des lyija naalunes tšeere. Tšeeresko lyijako diibenesta tu leha buutide džaaniba tukko iego phuujujako mañkurno velkibosko skokkata. Skokkako bañbosko numros hin aro phukibosko peleñkos.

Jakkes tu des lyija naalunes

Tu vojuveha te des lyija aro presidentosko velkiba aro sobi naaluno lyijako diibenesko stedos. Naaluno lyijako diiben hin 17.–23.1.2018. Om aro presidentosko velkiba stellavena vauro lyijako diiben, doolesko naaluno lyijako diiben hin 31.1.-6.2.2018.

Le aro lyijako diiben skokka personaalibosko tšeekniba, naaluno merknoske passos, personaalibosko peleñkos elle traadibosko peleñkos.

1. Sika personaalibosko tšeekniba velkibosko tšenstakiireske.
Velkibosko tšenstakiiro dikkela dženom douva ta dela tukke lyijako diibenesko peleňkos.
2. Le lyijako diibenesko peleňkos skokka ta dža aro lyijako diibenesko moňto.
Ran aro lyijako diibenesko peleňkos klaares douva kandidaatosko numros, kooneske tu deha lyija.
Ma ran tši vauro aro lyijako diibenesko peleňkos.
3. Bansa lyijako diibenesko peleňkos maňkareatta.
4. Dža paale velkibosko tšenstakiiresko neer.
Jou elle joi stämplavela lyijako diibenesko peleňkos
ta dela tukko bruuno velkibosko skoora.
Tšu lyijako diibenesko peleňkos aro skoola ta liima skoora phallo.
5. Velkibosko tšenstakiiro baňhela tuut te rannes teelal blankettos.
Teelal skriivibossa tu vakutaveha, at tu sal kokares pherdadal lyijako diibenesko peleňkos,
liijal aro douva stämpliba ta tšundal douva phallo aro skoora.
6. Aro ħluutiba velkibosko tšenstakiiro tšuuvela velkibosko skoora phallo ta blankettos aro dželto ħikkibosko skoora.

Ka tu sal diijal lyija, tu vojuveha te džal nikki aro lyijako diibenesko stedosta.

Jakkes tu deha lyija aro velkibosko diives

Aro velkibosko diives lyijako diibenesko stedi hin phirro kamana 9–20. Dik phukibosko peleňkosta, kai tukko lyijako diibenesko stedos hin.

Le aro lyijako diiben skokka personaalibosko tšeekniba, naaluno merknoske passos, personaalibosko peleňkos elle traadibosko peleňkos.

1. Sika personaalibosko tšeekniba velkibosko tšenstakiireske.
Velkibosko tšenstakiiro dikkela dženom douva ta dela tukke lyijako diibenesko peleňkos.
2. Le lyijako diibenesko peleňkos skokka ta dža aro lyijako diibenesko moňto.
Ran aro lyijako diibenesko peleňkos klaares douva kandidaatosko numros, kooneske tu deha lyija.
Ma ran tši vauro aro lyijako diibenesko peleňkos.
3. Bansa lyijako diibenesko peleňkos maňkareatta.

Dža paale velkibosko tšenstakiiresko neer.
Jou elle joi stämplavela lyijako diibeneko peleňkos.

4. Dreppa tukko lyijako diibeneko peleňkos aro velkibosko skuurna.

Ka tu sal diijal lyija, tu vojuveha te džal nikki aro lyijako diibeneko stedosta.

Koonesta tu jelpiba?

Velkibosko tšenstakiire dena tukke sikjibi aro velkibosko stedos aro naaluno velkiba ta aro velkibosko diives.

Aro velkibosko stedos hin velkibosko jelpiboskiiro. Tu vojuveha te baňhes les elle la jelpoibosko, om tu kokares na vojuveha te pherdaves lyijako diibeneko peleňkos.

Velkibosko jelpiboskiiro vojuveja nii te aaňhel komunis, koones tu sal kokares velkadal, naaluno merknoske naarta elle neeruno komunis. Velkibosko jelpiboskiiro na vojuvela endo te aaňhel kandidaatos elle kandidaatosko neeruno komunis. Velkibosko jelpiboskiiro na lena te phennel tšekkeske, kooneske tu diijal lyija.

Velkibosko tšorjiba

Sakkoiek ħluutavela kokares, om jou elle joi dela lyija ta kooneske dela lyija

Velkibosko tšorjiba starkavela nii douva, at tu na hyövuveha te phennel tšekkeske, kooneske tu deha lyija.

De lyija aro presidentosko velkiba!

Buut džaaniba lyijako diibenesta:

vaalit.fi